

大寶積經卷第九十二

制二

唐三藏法師菩提流志奉詔譯

發勝志樂會第二十五之二

爾時彌勒菩薩摩訶薩白佛言世尊初業菩薩既出家已未得慧力而欲得者當捨何法

當修何法未生慧力能令出生已生慧力能

令增長佛告彌勒菩薩言彌勒初業菩薩既

出家已欲令慧力而得增長當於利養知其

過失應須捨離若好憒鬧世俗言話耽著睡

是故應捨利養修於少欲捨諸憒鬧樂於寂

靜捨諸世話觀於實義初夜後夜遠離睡眠

觀察思惟隨行修習捨於衆務及諸戲論修

出世道慈念衆生彌勒初業菩薩既出家已

未得慧力而欲得者是法應捨是法應修何

以故彌勒彼諸菩薩既出家已未得慧力而欲得者不捨利養不修少欲未生慧力當令出生已生慧力能令增長無有是處不捨憒鬧不住寂靜未生慧力當令出生已生慧力能令增長亦無是處不捨世話不觀實義未生慧力當令出生已生慧力能令增長無有是處初夜後夜耽著睡眠曾不覺悟繫念思惟不捨衆務好諸戲論於出世道不能修行於諸衆生不生慈念未生慧力當令出生已生慧力能令增長亦無是處彌勒是故菩薩未得慧力而欲得者應捨諸法當須捨離應修諸法當須修習何以故菩薩智慧從因緣生若無因緣終不能生因緣和合爾乃得生爾時彌勒菩薩白佛言世尊云何名爲利養中過若觀察時能令菩薩樂於少欲不生熱

惱佛言彌勒初業菩薩當觀利養生貪欲故當觀利養壞失正念生瞋恚故當觀利養念其得失生愚癡故當觀利養能生高下嫉妒心故當觀利養於親友家慳惜耽著生誑惑故當觀利養成就愛味生詔曲故當觀利養

制二

捨四聖種無慚愧故當觀利養一切諸佛所不許可數習嬌逸生高慢故當觀利養於勝福田起於輕慢爲魔黨故當觀利養衆惡根本諸善壞故當觀利養多所貪著猶霜雹故當觀利養於親友家瞻候顏色生憂惱故當觀利養愛物損壞憂心亂故當觀利養於四念處多所忘失白法羸故當觀利養於四正勤多有退失能令一切他論勝故當觀利養自言已得神通智慧違背生故當觀利養先後得失怨憎生故當觀利養互相瞋嫌說其

過惡多覺觀故當觀利養爲於活命營諸世界計度思惟安樂滅故當觀利養乃至禪定解脫三昧三摩鉢底心如姪女能退失故當觀利養捨離智斷墮於地獄餓鬼畜生閻摩羅界諸惡道故當觀利養與提婆達多烏陀洛迦同於法住墮惡道故彌勒初業菩薩如是觀察利養過失樂於少欲不生熱惱何以故彌勒少欲菩薩於一切過皆悉不生堪爲諸佛清淨法器而不繫屬在家出家住於真實最勝意樂不爲卑下亦不驚怖離諸惡道墮落畏故無能映蔽捨耽味故衆魔境界得解脫故一切諸佛之所稱讚諸天及人亦當愛羨於諸禪定而不染著住邊際故其心質直無有詔曲於五欲中亦不放逸見其過故如說修行能住聖種同梵行者亦當愛樂彌

制二

三

勒若有菩薩智慧聰敏於此功德能如是知以勝意樂當捨利養以勝意樂住於少欲爲斷貪愛而發起故爾時彌勒菩薩白佛言世

尊云何名爲憒閑中過若觀察時菩薩獨處閑靜不生熱惱佛言彌勒初業菩薩應當觀察憒閑過失有二十種若觀察時能令菩薩獨處閑靜不生熱惱彌勒云何名爲樂於憒閑二十種過一者不護身業二者不護語業三者不護意業四者多饒貪欲五者增長愚癡六者耽著世話七者離出世語八者於非法中尊重修習九者捨離正法十者天魔波旬而得其便十一者於不放逸未曾修習十二者於放逸行常懷染著十三者多諸覺觀十四者損減多聞十五者不得禪定十六者無有智慧十七者速疾而得非諸梵行十八

者不愛於佛十九者不愛於法二十者不愛於僧彌勒是爲菩薩觀於憒閑二十種過爾時世尊重說偈言

捨離諸貪瞋 不住於憒閑 若有專住彼是過不應作 傷慢及覺觀 皆由憒閑生壞行無戒人 稱嘆於憒閑 愚人樂世論退失第一義 放逸多覺觀 是過不應作比丘捨多聞 言論不如理 捐減諸禪定常思惟世間 耽著思惟者 何得於寂靜其心常散逸 永離於正觀 速得非梵行制二 誠雜無儀檢 亦不曾愛佛 及愛於聖衆棄捨離欲法 耽著非法言 我常捨于身支分及頭目 爲求無上道 聞法無厭足是諸非法人 少聞便厭捨 我昔作國王爲求四句偈 妻子及財寶 悉皆能施與

何有於智者而不勤聽法我常捨一切
非法之戲論爲於百千劫難得解脫故
汝等應欣樂志求微妙法若樂於解脫
最勝功德者世間諸事業皆所不應問
衣食無勝利亦不證涅槃當稱嘆最勝
善來諸比丘應敷座令坐人身甚難得
隨分行白法汝應如是問如來入涅槃
比丘多放逸樂衆棄閑靜晝夜談世話
愚人於夢中驚怖而漂溺

自知多毀犯當墮三惡道應生歡喜心
獨處於閑寂若在阿蘭若志求無上道
不應見人過自謂最尊勝驕恣放逸本
莫輕下劣人彼於遺法中漸次而解脫
比丘雖破戒深信於三寶是則解脫因
不應見其過摧伏貪瞋難勿驚於放逸
餘習法應爾是故不須說若清淨比丘
同他人過失是最非真實不名修正法
捨離惡言論常以歡喜心獨處於閑靜
爾時彌勒菩薩復白佛言希有世尊耽著慣
闇乃有如是無量過惡退失功德無有利益
增長煩惱墮諸惡趣遠離白法何有菩薩求
善法者聞是過失而不樂於獨處閑寂爾時
彌勒菩薩白佛言世尊云何名爲世話中過
若觀察時菩薩應住決定之義由觀是義不
生熱惱佛言彌勒初業菩薩應當觀察世話
過失有二十種若觀察時能令菩薩住決定
義由觀是義不生熱惱彌勒云何名爲樂於
世話二十種過一者心生憍恣不敬多聞二

者於諸諍論多起執著三者失於正念如理作意四者爲所不應身多躁動五者速疾高下壞於法忍六者心常剛強禪定智慧曾不熏修七者非時而語言論所纏八者不能堅固證於聖智九者不爲天龍之所恭敬十者爲辯才者常懷輕賤十一者爲身證者之所訶責十二者不住正信常懷悔恨十三者心多疑惑搖動不安十四者猶如倡妓隨逐音聲十五者染著諸欲隨境流轉十六者不觀真實誹謗正法十七者有所希求常不稱遂十八者其心不調爲人棄捨十九者不知法界隨順惡友二十者不了諸根繫屬煩惱彌勒是爲菩薩樂於世話二十種過爾時世尊重說偈言

憍慢於多聞 執著諸諍論 失念不正知

是名世話過 遠離正思惟 身心不寂靜
退失於法忍 是名世話過 其心不調順
遠離奢摩他 及毗鉢舍那 是名世話過
不尊敬師長 愛樂於世論 智慧不堅固
是名世話過 諸天不恭敬 龍神亦復然
退失於辯才 是名世話過 聖者常訶責
如是耽著人 唐捐於壽命 是名世話過
諸行皆缺減 遠離大菩提 命終生憂苦
是名世話過 疑惑心動搖 猶如風吹草
智慧不堅固 是名世話過 謐如倡妓人
讚說他勇健 彼人亦復然 是名世話過
隨逐世語言 染著諸欲境 常行於邪道
是名世話過 希求心不遂 謕曲多諍論
遠離於聖行 是名世話過 愚人得少利
其心常搖動 如猿猴躁擾 是名世話過

智慧多退失 無有覺悟心 愚者所攝持
是名世話過 迷惑於眼耳 乃至意亦然
常與煩惱俱 是名世話過 愚人樂世話
盡壽常空過 不如思一義 獲利無有邊
譬如甘蔗味 雖不離皮節 亦不從皮節
而得於勝味 皮節如世話 義理猶勝味
是故捨虛言 思惟於實義 智慧諸菩薩
能知世話過 常愛樂思惟 第一義功德
法味及義味 解脫第一味 誰有智慧者
心不生欣樂 是故應棄捨 無利諸言話
常樂勤思惟 殊勝第一義 如是第一法
諸佛所讚歎 是故明智人 當樂勤修習
爾時彌勒菩薩復白佛言希有世尊乃能善
說世話過失思惟勝義利益功德世尊何有
菩薩求於如來真實智慧而復樂於虛誑世

話爾時彌勒菩薩而白佛言世尊云何名爲
睡眠中過若觀察時菩薩應當發起精進不
生熱惱佛言彌勒初業菩薩應當觀察睡眠
過失有二十種若觀察時能令菩薩發起精
進意樂無倦彌勒云何名爲樂於睡眠二十
種過一者懈怠懶惰二者身體沉重三者顏
色憔悴四者增諸疾病五者火界羸弱六者
食不消化七者體生瘡痏八者不勤修習九
者增長愚癡十者智慧羸劣十一者皮膚闊
濁十二者非人不敬十三者爲行愚鈍十四
者煩惱纏縛十五者隨眠覆心十六者不樂
善法十七者白法減損十八者行下劣行十
九者憎嫌精進二十者爲人輕賤彌勒是爲
菩薩樂於睡眠二十種過爾時世尊重說偈
言

身重無儀檢 憶急少堪任 顏色無光澤
是樂睡眠過 彼人常病惱 風黃多積集
四大互違反 是樂睡眠過 飲食不消化
身體無光潤 聲嘶不清徹 是樂睡眠過
其身生瘡痏 制二 畫夜常昏睡 諸蟲生機閑
是樂睡眠過 退失於精進 乏少諸財寶
多夢無覺悟 是樂睡眠過 癡網常增長
樂著於諸見 煙盛難療治 是樂睡眠過
損減於智慧 增長於愚癡 志意常下劣
是樂睡眠過 彼住阿蘭若 常懷懈怠心
非人得其便 是樂睡眠過 蒙憤失正念
諷誦不通利 說法多廢忘 捨離於睡眠
由癡起迷惑 住於煩惱中 守護菩提種
是樂睡眠過 功德皆損減 常生憂悔心
增長諸煩惱 是樂睡眠過 遠離諸善友

亦不求正法 常行非法中 是樂睡眠過
不欣求法樂 捐減諸功德 遠離於白法
是樂睡眠過 彼人心怯弱 恒少於歡喜
支分多羸瘦 是樂睡眠過 自知身懈怠
嫉妬精進者 樂說其過惡 是樂睡眠過
智者了其過 常離於睡眠 愚人增見網
無利捐功德 知者常精進 勤修清淨道
離苦得安樂 諸佛所稱嘆 世間諸技藝
及出世工巧 皆由精進力 知者應修習
若人趣菩提 制二 了知睡眠過 安住精進力
覺悟生慙愧 是故諸智者 常生精進心
捨離於睡眠 守護菩提種
爾時彌勒菩薩而白佛言希有世尊樂著睡
眠乃有如是無量過失若有聞者不生憂悔
獸離之心發起精進當知是人甚大愚癡若

有菩薩爲欲志求阿耨多羅三藐三菩提者聞說如是真實句義功德利益於諸善法而生懈怠不起精進住菩提分無有是處爾時彌勒菩薩白佛言世尊云何名爲衆務中過若觀察時令諸菩薩不營衆務勤修佛道佛言彌勒初業菩薩應當觀察樂營衆務二十一種過若觀察時能令菩薩不營衆務勤修佛道彌勒云何名爲二十種過一者耽著世間下劣之業二者爲諸讀誦修行比丘之所輕賤三者亦爲勤修禪定比丘之所訶責四者心常發起無始生死流轉之業五者虛食居士及婆羅門淨心信施六者於諸財物心懷取著七者常樂廣營世間事務八者念其家業常懷憂嘆九者其性狠戾發言麤穢十者心常憶念勤修家業十一者愛著諸味增長

貪欲十二者無利養處不生歡喜十三者多生惱害障礙之業十四者常樂親近諸優婆塞及優婆夷十五者但念衣食而度晝夜十六者數問世間所作事業十七者常樂發起非法語言十八者恃營衆務而起嬌慢十九者但求人過不自觀察二十者於說法者心懷輕賤彌勒是爲菩薩樂營衆務二十種過爾時世尊重說偈言

安住下劣業遠離殊勝行退失大利益
是名衆務過制二樂讀誦比丘及修禪定者一切皆訶責是名衆務過常行生死業捨離解脫因虛受於信施是名衆務過樂受諸財寶不得生憂惱住於下劣行是名衆務過是人多愛染往來婬女家如鳥入樊籠是名衆務過常憂嘆家業

恒懷熱惱心 出言人不信 是名衆務過
不受尊者教 違拒而輕賤 毀犯清淨戒
是名衆務過 其心多憶想 勸營於世業
不能修智斷 是名衆務過 貪心恒熾盛
樂著於諸味 曾無知足心 是名衆務過
得利生歡喜 無利便憂惱 貪慾無仁心
是名衆務過 懬害無慈愍 增長諸惡業
愛蔓相纏縛 是名衆務過 遠離於師長
親近惡知識 擯斥持戒人 是名衆務過
晝夜無餘想 唯念求衣食 不樂諸功德
是名衆務過 常問世間智 不樂出世言
耽愛於邪說 是名衆務過 自恃知衆務
輕慢諸比丘 猶如狂醉人 是名衆務過
常伺求他短 不自見其過 輕毀有德人
是名衆務過 如是愚癡者 無有善方便

輕慢說法者 是名衆務過 如是下劣業
具足諸過失 何有智慧人 愛樂而修習
清淨殊勝業 具足諸功德 是故有智人
愛樂常修習 若樂下劣業 智者當呵責
如人捨多財 貪求於少分 是故明智人
當捨下劣業 應求勝上法 諸佛常稱歎
爾時彌勒菩薩而白佛言希有世尊彼諸菩
薩捨離殊勝精進之業而乃發起下劣之事
當知是人甚爲少智覺慧微淺佛告彌勒菩
薩言彌勒我今實言告汝若有菩薩不修諸
行不斷煩惱不習禪誦不求多聞我說是人
非出家者彌勒若有勤修智斷行者智出生
者智成就者不作世業營衆務者我說是人
住如來教若有菩薩樂作世業營於衆務爲
所不應我說是人住於生死是故菩薩不應

親近彌勒若有菩薩多營衆務造七寶塔遍滿三千大千世界如是菩薩不能令我而生歡喜亦非供養恭敬於我彌勒若有菩薩於波羅蜜相應之法乃至受持一四句偈讀誦修行爲人演說是人乃爲供養於我何以故

諸佛菩提從多聞生不從衆務而得生也彌勒若有菩薩勤營衆務令彼讀誦修行演說諸菩薩等營於衆務當知是人增長業障無諸福利何以故如是所說三種福業一切皆從智慧而生是故彌勒營事菩薩於彼讀誦修行演說諸菩薩所不應障礙爲作留難讀誦修行演說菩薩於修禪定諸菩薩所不應障礙爲作留難彌勒若一閻浮提營事菩薩於一讀誦修行演說菩薩之所應當親近供養承事若一閻浮提讀誦修行演說諸菩薩

卷二

十二

等於一勤修禪定菩薩亦當親近供養承事如是善業如來隨喜如來悅可若於勤修智慧菩薩承事供養當獲無量福德之聚何以故智慧之業無上最勝超過一切三界所行是故彌勒若有菩薩發起精進於智慧中當勤修習爾時彌勒菩薩白佛言世尊如來善說初業菩薩樂於憒闊世話睡眠衆務過失世尊云何名爲戲論中過若觀察時令諸菩薩當得住於寂靜無諸諍論佛言彌勒初業菩薩戲論過失無量無邊我今略說有二十種云何名爲二十種過一者於現在生多諸苦惱二者增長瞋恚退失忍辱三者爲諸怨對之所惱害四者魔及魔民皆生歡喜五者未生善根皆悉不生六者已生善根能令退失七者增諸鬭諍怨競之心八者造作地獄

惡趣之業九者當得醜陋不善之果十者舌不柔軟言詞謇澁十一者所受教法不能憶持十二者於未聞經聞之不悟十三者諸善知識皆悉捨離十四者諸惡知識速當值遇十五者修行於道難得出離十六者不悅意語數數常聞十七者在在所生多諸疑惑十八者常生難處不聞正法十九者修行白法多有障礙二十者於所受用多諸怨嫉彌勒是爲菩薩號著戲論二十種過爾時世尊重說偈言

現生常苦惱 離忍多瞋恚 怨讐生害心
是名戲論過 魔及魔眷屬 皆生歡喜心
喪失諸善法 是名戲論過 未生善不生
常住於闇諳 造於惡趣業 是名戲論過
身形多醜陋 生於下劣家 發言常謇澁

是名戲論過 開法不能持 或聞不入耳
常離諸善友 是名戲論過 值遇惡知識
於道難出離 常聞不順語 是名戲論過
隨彼所生處 常懷疑惑心 於法不能了
是名戲論過 常生八難中 遠離無難處
具足無利益 是名戲論過 於善多障礙
退失正思惟 所受多怨嫉 是名戲論過
如是諸過失 皆因戲論生 是故有智人
速疾當遠離 如是戲論者 難證大菩提
是故有智人 亦應不親近 戲論諍論處
多起諸煩惱 智者應遠離 當去百由旬
亦不近於彼 造立諸舍宅 是故出家人
不應住諍論 汝等無田宅 妻子及僮僕
乃至榮位等 何緣興諍論 出家住寂靜
諸仙咸敬事 當修忍辱心

如是戲論者 增長毒害心 當墮於惡趣
是故應修忍 囚禁及繫縛 刑害而捶楚
如是等諸苦 皆由諍論生 如是戲論者
常遇惡知識 名稱不增長 曾無歡喜心
若捨於諍論 無能伺其便 卷屬不乖離制二
當遇於善友 於乘得清淨 業障盡無餘
摧伏於魔軍 勤修忍辱行 諍論多諸過
無諍具功德 若有修行者 當住於忍辱
爾時彌勒菩薩復白佛言希有世尊乃能善
說如是過失令諸菩薩生覺悟心世尊於後
末世五百歲中頗有菩薩聞說如是諍論過
失能生憂悔離煩惱不佛告彌勒菩薩言彌
勒於後末世五百歲中少有菩薩能生憂悔
捨離煩惱多有菩薩其心剛強不相尊敬懷
增上慢互相是非聞說如是甚深義趣殊勝

功德雖復受持讀誦演說由是菩薩業障深
重不能得生殊勝功德便於是經疑惑不信
不復受持爲人演說時魔波旬見是事已爲
誑惑故作比丘像來到其所作如是言此諸
經典皆是世俗善文詞者之所製造非是如
來之所宣說何以故此經所說功德利益汝
皆不得由魔波旬如是誑惑於此空性義利
相應甚深契經心生疑惑起諸諍論不復受
持讀誦演說彌勒彼諸愚人不能了知由自
業故不能獲彼殊勝功德自業消已決定當
得知如是功德爾時彌勒菩薩白佛言世尊如
制二
佛所說阿彌陀佛極樂世界功德利益若有
衆生發十種心隨一心專念向於阿彌陀
佛是人命終當得往生彼佛世界世尊何等
名爲發十種心由是心故當得往生彼佛世

界佛告彌勒菩薩言彌勒如是十心非諸凡愚不善丈夫具煩惱者之所能發何等爲十
一者於諸衆生起於大慈無損害心二者於
諸衆生起於大悲無逼惱心三者於佛正法
不惜身命樂守護心四者於一切法發生勝
忍無執著心五者不貪利養恭敬尊重淨意
樂心六者求佛種智於一切時無忘失心七
者於諸衆生尊重恭敬無下劣心八者不著
世論於菩提分生決定心九者種諸善根無
有雜染清淨之心十者於諸如來捨離諸相

起隨念心彌勒是名菩薩發十種心由是心
故當得往生阿彌陀佛極樂世界彌勒若人
於此十種心中隨成一心樂欲往生彼佛世
界若不得生無有是處爾時尊者阿難白佛
言希有世尊乃能開示演說如來真實功德

發起菩薩殊勝志樂世尊當何名此經我等
云何受持佛告阿難言此經名爲發起菩薩
殊勝志樂亦名彌勒菩薩所問以是名字汝
當受持佛說此經已彌勒菩薩及諸聲聞一
切世間天人阿脩羅乾闥婆等聞佛所說皆
大歡喜信受奉行

大寶積經卷第九十二

制二

十六

音釋

瞋恚 瞰稱人切怒而張目也 惠於避切恨怒也
害都故切 嫉妬害賢曰嫉
色曰妬 電弱角切 躁則到切 不
憇憊秦醉切 慢躁也 踵安靜切
憔悴憂瘠也 瘡瘍瘡也 痘瘍也
破先齊切 痘瘍瘍也 痘瘍瘍也
樊籠樊符袁教切 痘瘍瘍也 痘瘍瘍也
養鳥之竹器也 痘瘍瘍也 痘瘍瘍也
謇澁也 痘瘍瘍也 痘瘍瘍也

也痛醫
楚色立切口吃也 捶楚 摳主藥切以枝擊